

19 AUG 1999

DR MAHATHIR KUNJUNGI PRESIDEN JIANG ZEMIN

Oleh: Ali Mamat

DALIAN (China), 19 Ogos (Bernama) -- Datuk Seri Dr Mahathir Mohamad hari ini mengunjungi Presiden Jiang Zemin di rumah rehat Bangchuitao di sini.

Perdana Menteri tiba di bandar raya perindustrian dan pelabuhan ini dari Beijing dengan sebuah pesawat khas Tentera Udara China. Penerbangan mengambil masa satu jam.

Kunjungan hormat itu adalah sebahagian atur cara Dr Mahathir dalam lawatan kerja tiga hari beliau ke China bermula semalam.

Dalam pertemuan hampir satu jam itu, kedua-dua pemimpin membincangkan isu dua hala dan serantau.

Dr Mahathir diiringi oleh Menteri Luar Datuk Seri Syed Hamid Albar dan beberapa menteri kabinet.

Perdana Menteri dan rombongannya kemudian kembali ke Beijing untuk meneruskan lawatan hari keduanya.

--BERNAMA

AM MAI